

四庫全書

集部

欽定四庫全書

集部
鶴林集卷五
六

詳校官庶吉士臣瑚圖禮

主事臣呂雲棟覆勘

謄錄舉人臣杭光晉

欽定四庫全書

鶴林集卷五

宋 吳泳 撰

內制

明堂奏告祝文

天地

伏以丕釐景命奄宅嘉師惟泰元尊每荷溥臨之貺其
坤道順實敏植之恩用涓萬寶告成之時爰秩九筵
合祭之禮率由彝典敢告前期

宗廟

伏以獲承洪緒宏濟多艱爰熙紫壇練時卜日於穆清廟尊祖敬宗祇率彝章預伸潔告

社稷

伏以古者載芟而祈良耜而報各以歌樂告於神明矧當祭祀之秋宜致恭先之薦

太乙

伏以明堂度九尺之筵靡神不舉太乙開八通之道降

福孔夷用卜季辛敢伸昭告

天慶觀報恩觀

伏以天無聲無臭惟道可憑祭有報有祈以時為大顧
慙菲薄獲奉染盛壇於丙地之陽卜以辛日之薦尚祈
昭鑒相我熙成

諸陵攢宮

伏以將祀世室載瞻崇丘未陳犧牲珪幣之恭先致祖
考神祇之告尚祈來格以相熙成

四瀆五嶽四海

伏以昭於天地方嚴陟配之文望于山川具有秩祭之典季辛穆卜先申告忱

嶽瀆海路通去處

伏以明堂孔陽方議合祠之典宗伯辨位乃陳四望之儀秩於山川沿于江海靡神不舉先事告忱

遷神主

伏以爰熙紫壇聿嚴禋祀於穆清廟式謹繕修庀工

方新奉主有恪用涓吉日虔告明神

明堂赦文

朕嗣宅丕后保綏受民上帝臨汝無貳爾心敢不盡靈
承之事先王惟時懋敬厥德未嘗忘裸饗之忱每夙夜
以惟勤庶神天之克典顧德不類遭時多艱兵氛未澄
星紀弗靜京畿邦之根本而淫雨害于案盛漢峴國之
咽喉而蝨賊搖我邊鄙戰士被介冑不得卧丁夫罷轉
餉不得休瘼茲下民靡所寧宇念天地以好生為德徧

覆包含而無殊而祖宗以兼愛為仁聰明神武而不殺
豈親接三才之奧亡哀矜庶獄之心蓋嘗以干戈省厥
躬以袪象救其政雖承宇之霏開霽未還時和歲稔之
風雖侵疆之騎倏回寧保地淨冰寒之日若匪籲蒼旻
而潔告其何措方夏於阜安爰刺六經之文更規五室
之制有秩禮園有嚴頌堂奉牲以告不在牲而在民力
之普存更幣以祈不惟幣而惟國用之均節憑至誠之
洞屬薦明德之馨香於是登彝閼宮奠璧清廟夙駕齋

輅親祠總章袞龍作繪而五采施銅玉鳴詩而九歌應
多士顯相陟降在庭百工倂從左右厥辟瞻和氣之薰
浹儼神光之陸離豈惟鐘噲噲鏘鏘如見旗容容騎
沓沓蓋上天日監王者之處曾咫尺之不違而庶民是
近天子之光宜始終之若保既荷靈娛之來燕豈應餒
惠之不均迺御端闈式盼大號嘉與函生之衆共迎景
貺之新於戲崇周官九尺之筵精意已通於肸鬯肆呂
命五刑之赦湛恩斯徧於埏垓尚賴奮庸亮采之臣秉

德陪祠之彥烈文羣辟孔武六師永肩勵翼之忠宏濟
不平之業

明堂冊文

景靈宮

明明我祖道峻於天濯濯厥靈其基明辟猶木有本猶
水有源肆台小子既受帝祉季秋之月宗祀明堂其日
用辛工祝致告丕釐景命於萬斯年

太廟

於穆清廟世有哲王德厚流光必百世祀台恐德弗類
遏前人光是用孝饗入太室裸洞洞屬屬必必芬芬來
燕來寧俾緝熙於純嘏

昊天上帝

倬彼昊天皇矣上帝親德饗道監觀四方施予冲子綏
受茲命服大裘而冕祀乎明堂高高在上無日不顯以
祈福祥以弭災兵乂我受民永寅念于祀

皇地祇

惟王建國掌邦地祇瘞埋泰圻有冊有典今冲子嗣主
名山川相其陰陽居明堂左个禮以黃琮祀用黝牲土
穀惟修庶草蕃廡萬邦咸休敬拜下土之靈

太祖皇帝

天作之君神武不殺肇造區夏啟迪後人以予小子夙
夜罔祀是用大饗帝度九尺之筵籩豆靜嘉牲牷肥腍
格于藝祖克配彼天永言孝思無墜寶命

太宗

天造草昧文王康之始基矣嗣武受之者定爾功布昭
聖武天下為一百世不遷今文子文孫敬宗尊祖我將
我享王者之堂潔爾牛羊與其黍稷神保是格日靖四
方

明堂禮成奏謝

景靈宮萬壽觀會聖宮太乙宮

伏以祗奉瑄玉肅臨壇垓考媯庭肆類之文宗姬室九
筵之制列聖降祉三神蕃釐豈涼德之克堪實上皇之

顯相用仲昭報庶永延休

太乙宮改上
皇作上靈字

諸陵攢宮

伏以迪循彝典寅祀總章上帝時歆垂恩若風雨而下
百神既饗降福如岡陵之增載瞻橋山實邇秦望爰遣
明馨之薦以將昭報之忱尚赫厥靈垂裕乃後

五嶽二海四瀆

伏以大饗合宮沆成熙事祀于天地既荷博臨望于山
川敢遲昭報尚冀威靈之假允臻福祿之來

諸陵

伏以總章汜祀熙事告成事天之明堅一忱而罔間裒
時之對與萬國以咸休荷烈祖之顧歆瞻崇丘而控謝
南海南瀆南嶽

伏以頃者宗祀徧于羣神喬嶽之靈滄海之漚相予熙
事永臻厥成神之格思敢不昭報

南鎮會稽山

節彼南山維禹甸之頃以犧牲祀于陽館既荷帝祉神

來宴娛熙事備成敢忘昭報

改元諸陵奏告

伏以創業垂統烈祖之休繼天奉元一王之法合兩朝之懿槩更首歲之嘉名載瞻崇丘用伸潔告

孝宗皇帝修換殯宮文

奉先思孝瞻彼上宮揆日庀工動乎下土敢告于廟以寧其神

光宗皇帝修換殯宮文

伏以敢廟之嚴明神所宅陰虬陽馬歲月久深松楠旅
楹風雨侵蝕屬庀工而揆日敢移御以告安

寧宗皇帝殯宮文

伏以景彼崇丘恤其閔宇龍輜既遠虬柱斯傾屬鳩儻
功敢告移御

昭慈聖獻皇后等奉安神御文

伏以柏宮恤淨歷歲月已深松楠延長為風雨所薄既
竣徒役復妥靈旂

恭聖攢殿修整奏告文

伏以敢廟之嚴風雨所薄旅楹傾剝涓日繕修顧瞻慈
靈不敢不告

恭淑皇后修整攢宮殿文

伏以慈靈在天邃殿於穆其門有伉積歲不修涓日既
良鳩工是告

外制

與芮除武康軍節度使制

門下朕穆叙宗盟迪稽周典建之藩屏首推曾孫王發
之仁分以旂旌爰錫孟侯弟封之寵榮親親之恩意肅
暨暨之戎容颺于大庭詔爾羣辟具官某氣韶質美德
粹行恭蘊藉詩書進止必由其度沈潛學問奇袤不接於
心旣登神京藹有芳聞義冠在列宛如青袍朝士之癯
奉璧陪祠弗類赤社親王之貴每閱起居之奏屢殫忠
益之箴實毗皇家式壯宗翰朕方裂地以分諸鎮即壇
而拜元戎凡沾橫草之功亦被建旗之命矧貴介弟非

他人昆外雖欲得腹心爪牙之臣內豈可無骨肉本根之輔用是輟留臺之務進而升將鉞之壇鉅轡高幢奄宅洋川之渙真祠采食仍陪魏闕之班以光桐葉之封以廣常華之覆於戲仁祖錫允良之節尚云寵不期驕孝宗徹伯圭之田猶曰卑以自牧益相友睦者所以教諸侯之悌而胥訓誨者所以示萬世之公惟汝念聞則予以懌

貴謙除保康軍節度使制

門下繼世以立諸侯固王者尚賢之誼建旂以封同姓
乃聖人篤近之仁矧予貴介之英維國宗享之瑞涓辰
授鉞渙號揚庭具官某躬信厚之姿秉祗庸之德宿卽
惟謹奉朝滋恭性雅好儒能嗣北海靖王之後日勤為
善弗貪東平邑國之封重惟寧考之初元每篤沂王之
深愛和樂根於天性有常華韡韡之風錫與異於他人
無杜葉菁菁之刺始畀之以齋壇之節復開之以青社
之茅一時榮懷百代鮮儷蓋自慶元至于嘉泰常寵

數之便蕃茲繇寶慶訖于端平尚情文之希闊爰舉建旌之典載疏友弟之恩爵爾上公信已孚於麟趾與之多邑班仍在於龍墀於戲漢啟九國而交獨好修唐冊五王而憲尤謹度毋游于逸然後可以保高位毋居于貴然後可以全令名勉圖淑聲祇服先訓

謝奕昌保寧軍節度使制

門下周首二南之化所以著夫婦之經漢疏四姓之封所以襲衣冠之盛茲衍中闡之慶用推左戚之恩粵從

廉車超授齋鉞敷以明綸之告肅于會弁之瞻具官
某柔嘉而明縝栗而潤進止合威儀之制話言循德義
之閑鴻漸周行藹有淑均之譽退居私第恬無華競之
心徑從文石之清換授武階之峻為社稷衛屬韃黼座
之南與賓客言束帶紫宸之北雖多儀之濟濟常自牧
以謙謙況保衡曾勸相於我家而太妣實助修於陰教
久矣宮闈之正位方茲寢廟之告成桂棟斯芬既定陟
祠之所禕衣有爛聿嚴歸謁之儀宜於常棣之華不施

金史卷五
葛覃之祉爰即金華之壤俾分葦纛之輝佚以琳宮豐之采邑於戲孝廟眷成肅之弟爵已列於橫班寧皇褒恭聖之兄寵復隆於一品酌兩朝之中典煥昭代之彌文往承于休益茂而戒

謝奕禮保康軍節度使制

門下國風之繫周南率本人倫之厚大雅之褒申伯實由寢廟之成惓我戚藩生於相閥爰出絲綸之寵並加節鉞之崇卜以剛辰諡于列位具官某甚德而度大盈

若冲溫恭有常布之風澹泊無綺襦之習嫺聯椒掖元
侯之陰德尚存秀擢芝庭太傅之芳猷未遠方晉登于
華路乃屈就于彛章徑自郎闈式共武服東閣西閣之
序秩視從班長君少君之賢人推世美朕方考先代已
行之典修后家歸謁之儀神祇安樂之已畢享靜嘉之
薦兄弟相好矣詎可無蕃錫之恩徹土上庸出節少府
鵬銜綬帶有嚴上將之壇鶴馭雲軒乃奉真仙之館爰
晉盼於腴賦庸昭示於龍光於戲四姓之列為小侯雖

衣冠之代有二卿之稱於鉅鹿常名譽之難全惟忠謹
可以裊身惟勤儉可以保位往祇明訓益茂淑聲

鄭清之加恩制

門下朕獲執珪幣恪恭神人畏天之威常若承祀齊明
之日哀時之對敢忘在廷奔走之臣矧予元台式是百
辟既與合宮之顯相豈容餒惠之後施具官某俊德爽
邦懿文緯國秉蹇蹇王臣之節持謙謙君子之心粵惟
寧人遺我哲輔會六龍於潛躍之始益不緣肖象而求

作霖雨於蒼蔚之餘曾不以片言而悟初輔端平之治
庶躋元祐之風調娛萬幾政不寬而不猛收采衆善道
無陂以無偏比因迅烈之災力上退閒之請華之書殿
賁以經帷雖云鼓枻以絕江猶冀朝宗之在望而况親
陪宗祀董正上儀合加進律之恩庸廣受釐之意以開
井賦以實畬租於戲衍以舊相居河陽尚侈大禮慶成
之賜浩繇師臣侍經幄特䟽明裡采邑之封益不歸福
於朕者上之仁而能責難於君者臣之義尚宏鴻施益

罄嘉猷

楊谷加恩制

門下朕聿祗舊章稱秩宗祀使宰孔賜齊侯胙所以旌
祭事之勞命召公徹申伯田所以隆采邑之寵式褒懿
戚誕告羣工具官某質粹而外和量閎而中裕寶書在
几居無華競之風玉帶趨朝動中折旋之度早䟽榮於
齋鉞晚避寵於師垣身貴而心愈謙年高而行彌謹每
懷恭聖之保佑常念母家之典刑茲以明禋俾共使事

領內廷之衛輯虎士以無譁相中壇之儀縈貂冠而有
耀既德馨之上達宜餽澤之下盼爰即舊封載陪新食
於戲我將我享既能歛福錫庶民維戚維賢先以賀禮
親異姓有嘉耄老毋用訓詞

師彌加恩制

門下明王分寶玉以展親特厚戚賢之愛大宗執珪瓚
而亞裸每宗祭祀之倫矧備享於明堂既相成於熙事
合加徽數誕告治朝具官某屬近而行尊年耆而德邵

世縻高爵已疏白茅青社之榮班立長身頗稱玉帶金
魚之樣恪奉秀園之祀董司周室之盟肅然儀形藹有
譽處屬三載舉親祠之典而九筵嚴並侑之儀當輦路
之初晴導駕已勞於扈從逮齋居之將雨歷階逾重於
降陞四體有莊舒之容一毫無惰慢之氣既輯涓成之
慶式敷餽惠之休賁以爰田增之貞賦於戲作魯公之
冊蓋繇於入裸太室之餘益東平之封實起於定議南
郊之後尚綏素履以答靈娛

思正加恩制

門下周封同姓五十國義莫重於展親漢召助祭九百
人恩獨隆於賜爵朕參稽舊典蒐舉明禋儀禮成而三
神顧歆需澤下而四方丕享矧於仲父宜錫慶條具官
某提身有儀樂善無數承諸姬之後不以富貴而驕人
襲二獻之風頗能博雅而好古朱邸共推於賢譽青旌
雙擁於節旄素嫺朝會之容克相祀禋之禮龍旂耳耳
周旋乎法駕之間麟趾振振進退以先王之度追颺煙

之竣事廣餽惠以旌勞衍以爰田華其巨鎮於戲望祀
不祈其福朕常懷畏威時保之心居寵必思其危爾其
懋作德日休之戒更圖勵翼以答熙成

不擅加恩制

門下昔在成周厚於同姓命史佚作伯禽冊當太室既
裸之時使石尚歸魯國膳在諸侯助祭之後矧秩肇禋
之典實共相祀之班盍考曩章亟盼餽惠具官某溫恭
而信厚閒雅而裕和藹有詩書之風泊無富貴之習文

王之昭武王之穆循禮度於二南莊公之子周公之孫
奉蒸嘗於百世自賜先王之履首陪重屋之祠結績入
齋能將洞屬之敬展軫從蹕不憚駿奔之勞熙事備成
靈娛來燕既出濮園之曹宜均宣室之釐加以采田實
其圭賦於戲饗帝而臣受職已昭明德之馨香篤親則
民興仁宜溥湛恩之汪濊綏而壽祉強我本支

謝奕昌加恩制

門下朕獲奉嘉牲瑄玉以歆上帝明神穆穆周筵儼諸

侯之助祭煌煌漢殿偉四姓之侍祠既畢饗於合宮當
䟽榮於威畹特敷制綽以諗朝倫具官某韻宇象賢氣
姿競爽一家詩禮雅有好修之稱奕葉簪纓泊無富貴
之累身雖被渥雲之澤門不停流水之車比因寢廟之
成竝建雙旌之美恂恂德行每居大而能謙抑抑威儀
常率履而不越有韜瑞節有秉介圭典領營屯恪共使
事相我上儀之盛訖于熙禮之成歛福以錫庶民既廣
十倫之澤賜級以勞伯舅仍加五等之封於戲先民有

言君子所履思襲紫傳龜之所以盛鑒重侯累將之所
以微往懋淑聲永綏多祉

欽定四庫全書

鶴林集卷六

宋 吳泳 撰

外制

善曇換授皇叔祖太子右監率府率制

勅具官某朕追惟沂邸誕正名稱旣于寶王之親貴厥
絲綸之寵爾肺腑親也外庸久試合應褒遷擢居南內
之班俾掌東宮之率益思勵翼以對休光可

善璪授州防禦使制

金史卷六
勅具官某濮王諸孫一遷官元豐成憲宗室十年一磨
勘紹興舊章爾安懿裔孫行尊屬近雖至昂貴藹然癯
儒奉朝既閱於十春戎使合躋於一秩徃承異渥益遠
乃猷可

師審授知南外宗正事制

勅周命司儀以大輯同姓展親也漢置京師以糾察公族
尚賢也蓋敬不可不隆於上訓不可不嚴于下此宗正
之職所以輔人主之教化其重有如此歟具官某器遠

質茂屬尊行高奉璧而朝進退不改其度分璜而處
奇袤不接於心雖云公爵之既崇詎可祠庭之均佚仍
將使節俾長宗盟經不云乎子率以正孰敢不正率正
之道又自爾躬始其勉之哉可

希瑋授知南外宗正事制

勅國家西南兩京置外宗正其來舊矣中興渡江於溫
陵長樂各選其親賢一人典司其事猶兩京之舊也具
官某賦姿謹恪制行淑均服詩書之勤進退弗改其度

閱義理之熟紛華不流於心久燕祠庭之間未符公族
之望式資糾正咸俾訓齊昔仲尼有言子率以正孰敢
不正率正之道又自爾躬始其勉之哉可

希璿可改知西外宗正事制

勅朕紹帝統緒思皇本支展親以恩所以示推崇之典
合族而教所以嚴糾正之官輟卿南班長我西外具官
某以屬則仲父以官則上公敬謹有儀多閱天下之理
紛華不競能讀河間之書靖惟漢朝元始之間迄至我

宋宗寧之際或選用德義以使之考察或精擇才賢以俾之訓齊勉思前猷欽服休命可

自明換授皇叔太子右內率府副率制

勅具官某宗子之換授南班自景祐始矧爾厚陵諸孫吳益二王之後福唐觀察使多譽之子於朕則叔父也卓爾大雅藹於宗盟東宮率府之副朕何愛之而不以官汝耶時庸展親往服休命可

希丞換授皇叔右監門衛大將軍高州刺史提

舉佑神觀免奉朝請制

勅具官某周封三叔而伯不獲是分惟不尚年蓋昭德也爾信厚世濟溫文性成於宗屬為親於榮邸為近於朕則父黨也而克自抑畏不期侈驕既多淑聲宜有異數於是以爾內領諸衛外牧方州佚以真祠免其朝請朕之展親至矣敬服王命益懋乃庸可

希丞授蘄州防禦使仍提舉佑神觀制

勅朕紹帝統緒思皇本支八隸親賢率躋尊顯具官某

出高明之胄履忱恂之德於屬則近於文恭為兄於朕則父黨也曩分遙刺既廩祠官今秩軍防仍免朝請朕之所以待汝者亦厚矣汝其思祿位之難稱念燕安之易懷庶於宗盟可永終譽可

希遷授闕軍承宣使制

勅三載考績三歲計吏施於在服厥有典彛獨惟宗藩率十年一進秩蓋艱其進者乃所以厚其親也具官某屬尊而行高器遠而識茂炳禹穴之秀蔚有好修之稱

讀河間之書泊無負責之累既積勞於累歲遂晉典於
留臺仍䟽采邑之封復繼祠庭之廩同姓曰叔父豈於
朕而敢私任官惟賢才必其人而後可往欽渥命永迪
善猷可

希謨授州防禦使依前皇叔提舉佑神觀制

勅具官某端肅嗣秀王於屬為近而爾於王為子於朕
則父黨也王不幸即世遺奏一官閱十年而後陳請朕
甚憫焉落環衛之階正軍防之任爾宜敬謹勿墜家聲

可

希謚降授右監門衛大將軍蘄州防禦使制

勅周厚宗盟而議親之辟不廢漢宗同姓而耐金之罰
必行儻出禮以入刑難以恩而掩義具官某於宗莖為
近于父黨為尊開國而奉祠庭當自知於止足捐資而
求廉使又未免於僥覩尋被人言難逃邦憲朕猶念璇
源實同其派葛藟猶庇其根姑鑄一階庶別異姓帝家
之駒雖逸尚能施禮義之閑屋上之鼠不薰詎可使本

支之削可

希謨復和州防禦使致仕制

勅朕惟天官操馭貴之權司冠典議親之辟法行惟義
甄叙以仁具官某秀即親支和王的裔居中而奉朝請
方一洗於丹書望外而求廉車遂再汙於白簡興言及
此姑示薄懲既坐閱於歲華當復還於故職體予德意
勉爾令猷可

尹甫換授皇弟太子右內率府副率制

勅具官某國家設十階以待公族然非屬之近者不以
換授也爾胄出神明動循法度率履保氏之教不替親
賢之彞宗族稱焉朕心樂只合掌東宮之副率仍聯南
內之華班惟忠孝可以裨身惟詩書可以永譽益思淑
謹以對寵光可

與弁換授太子右監門率府副率制

勅具官某朕遙祗先猷篤叙邦族循景祐換授之典疏
治平廣親之恩益隆本支以壯磐石爾天潢之岳宗屬

之星既閑于儀式厚厥典用掌東宮之率仍居南內之班其勵忠勤以答休寵可

與孫換授皇弟太子右監門率府率制

勅具官某若昔厚陵睦叙公族時濮王子與魯王孫遷官一等皆舉親也矧予近屬可緩徽恩爾胄出神明動循法度率履保氏之教不替榮王之彛宗黨稱焉朕心樂只俾掌東宮之率仍居南內之班惟忠孝可以裨身惟詩書可以永譽益思祇謹式對寵光可

與芮換授揚州觀察使提舉佑神觀仍奉朝請制
勅朕維周隆母弟之親入為卿士唐篤諸王之愛迭處京
師懿我熙朝兼此異數況申之以換文之典而優之以錫
覲之恩非曰爾私實維予翼具官某出神明之胄躬儒
素之風端介不擾于中甚德而度紛華無奪于外大盈
若冲朕嘗追惟榮卽之生因篤親支之友故自太宗而
陞繕監繇少理而擢西廂凡所屢遷亦云殊寵然仁人
之於弟當循法度之公而君子之於親不以姑息之愛用

易廉車之節仍供真館之祠若曰孟侯毋慢家人之訓其維吉士永陪京室之朝可

與芮授武康軍承宣使依舊提舉佑神觀制

勅朕監觀烈祖厚睦宗盟謂濮王之屬當序遷題矣英宗之識以皇弟之恩不可殺懿哉神考之謨豈予親支緩此縉典具官某氣韶而質美行介而知良有芳斯猷不倨于貴出則幹于侯方惟汝翼入則儀于朝序惟汝嘉遂超廉使之華徑典留臺之重仍祠真館日奉便朝

朕其弟封既已篤廣親之愛命作冊畢尚其需疏爵之
榮毋逸有邦毋懈于位可

與爽換授吉州刺史提舉佑神觀仍奉朝請制
勅具官某麟趾之詩作而周家盛鴻寶之書成而漢祚
隆宗寧得人磐石增壯而天潢之秀禹穴之英令於容
臺丞于棘寺既閑禮法矣國家換授有典故以廬陵遙
刺命之俾奉會朝仍畀祠廩體予睦族之意懋乃維城
之庸可

喬行簡授特進左丞相兼樞密使進封蕭國公
制

門下大臣君所體貌進退以示天下之公丞相朕之股肱眷留以為朝廷之重方此時機之交急豈應揆席之久虛儀圖舊弼之英宅正元台之位式頒溫綍誕告羣工具官其博大而宏明端廉而莊靜學問粹正實源流於聖賢訂謨忠嘉皆根本於仁義蓋自黃耆凋零之後獨聞朱絃清越之音踐揚三朝夷險一節既登庸於次

輔嘗避遠於要權調娛萬機猶負鼎適中和之濟扶植
衆正猶牢舟無輕重之偏小人得其欲而久安君子有
所恃而宗主顧思人物之妙尤見相才之難矧今百度
未釐三維弗靖邦材當裕未有均節之方軍紀當修莫
聞申警之實在廷則狃於議論多而行事少在邊則傷
於意見異而謀國疎凡職所憂靡知所屆每當饋而太
息曾命龜而旁求然安石未起於東山而伯夷尚居於
北海遂即延英之邃晉升上袞之華以康時屯以穆天

緯茲一儒既用於魯宜侵疆之復歸若二老共來於周則赤子之焉往肆疏公爵兼典神樞於戲去國而造召王曾同列競推於首相侍經而勉留趙鼎閱旬乃拜於昭文予欲燮和四序汝為予欲綱紀萬方汝翼惟黜陟公而後足以彰善癉惡必經綸密而後足以綏遠折衝宣乃之猷期予于治

真德秀授參知政事制

勅朕載眡治朝疇咨近輔真儒無敵天下夙高一代之

名吉士勩相我家允穆四方之望蔽于朕志渙以綸言
具官某德粹而行方望嚴而氣裕詞章則日光玉潔問
學則湧泉流雅度寬夷能任大臣之重至誠惻怛篤
行君子之恭粵我先皇暨予初服秉孤忠而不貳閱萬
變而弗渝居則善道嘉言有惓惓愛主之意出則仁聲
義聞有懇懇憂民之心自長樂之還歸喜宣室之召見
所陳者先民為學之要所述者往聖傳心之微欲以眇
躬進於大道國人望之如歲雅宜陪公輔之班學者仰

之如山亦欲借斯文之潤既司俊造之選即峻疑丞之
除予欲調娛萬務惟汝諧予欲釐飭羣工惟汝翼疊頒
異數以望本朝噫臣修繇內相而參秉事機公著自經
筵而擢丞政府惟忠嘉可以名世惟弘毅可以濟時式
祈斯猷徃復於采可

陳卓授端明殿學士同簽書樞密院事制

勅朕仰憲乾文俯經皇武六子之運元氣共成贊化之
功四輔之環極樞增重本兵之選爰頒渙號式倚時髦

具官某柔嘉而明文雅而介躬循法度曾無越禮之思
世掌絲綸深得代言之體風節素聞於嘉定銓衡不撓
於端平從容兩朝清白一意靖惟萬事之統莫重五兵
之權惟除戎可以戒不虞惟選將可以征不義矧今疆
場未靖羽符尚騷丁夫供餽餉不得休戰士被甲胄弗
得息倘匪藉羣賢之力孰能折萬里之衝蓋茸裘須衆
腋之扶而善室非一工之聚用陞端殿俾翊鴻樞噫治
平以宣徽命郭達建炎以資政除頤浩兼此文武之柄

付之耆喆之儒庶單厥心同底于治可

李皇授守吏部尚書兼給事中兼修國史實錄

修撰制

勅中臺總天下之樞法度修明則百官正左省主朝廷之命紀綱峻整則萬目張若稽前代之彞必倚宿儒之重用頒渙號以穆師言具官某秀涵岷峨名滿宇宙通今博古家傳太史之書正國致君躬備大人之事夷險一節典刑四朝朕更絃以飭萬幾加璧以致諸老儒者

在位必强本朝忠言逆心斯迪朕德豈衆正並登於政
路而耆英猶侍於甘泉蓋典銓必毛玠而後可以厲廉
隅批勅必李藩而後足以裁貴幸水鑑明則流品肅矜
喉謹則政令嚴茲曰汝諧庶期予治下紫宸之拜曾何
筋力之拘詢黃髮之猷尚紓腹心之告更勤勵翼毋曰
遄歸可

余鑄授權兵部尚書制

勅文昌之聯八座皆古納言之官武部之掌五兵實周

司馬之職欲重茲選必惟其人具官某端良而才廉正而辯典刑諸老言有物行有恒經綜百為澄不清撓不濁出入禁涂者三載彌綸省闈者七年善無近名謀有忠益朕方修總覈之政擇經術之賢指畫山川阨塞之圖口占屯兵將校之數弗資文獻曷濟事功仍從東府之游晉典西曹之務惟柔而栗而後可整軍經武惟毅而弘而後可綏遠折衝更殫厥心同底于治可

何炳授權戶部侍郎兼同詳定勅令官制

勅朕惟更化如更瑟緩之則膠而難調治財如治絲急之則焚而無緒故隨弊事而補不若清其源流而弊自除股民力而征不若節以制度而民自裕能盡變通之利必須詳練之才爰頒贊書以式版部具官某有奕邦之智有綜物之能出總賦輿諳人情之利病入卿農扈了國計之盈虛矧方制用於多艱莫若求才於已試就陞禁橐晉貳民曹惟仁能愛本根惟公能清姦弊惟勤能通壅滯惟敏能撥劇繁茲惟汝能以稱朕命可

趙立夫授權戶部侍郎兼同詳定兼知臨安府

制

勅朕據四方之極以官人才總八政之經以裕邦用出入壅底源流浩穰用諮尹釐以式版部具官某漢世良吏周家吉人三為列卿再典京兆財之有不給不贍汝能通之民之有不惠不迪汝能正之著於顯庸簡在朕意肆從右翊之長晉貳左民之曹必生而不傷厚而不困而後根本豐必為之者疾用之者舒而後經制定克

遵乃訓往祗厥官可

趙彥呐授權兵部侍郎依舊四川安撫制置使

制

勅朕荷天西顧全昇余有家謀帥坤維莫如我同姓比覽
籌邊之奏式嘉破敵之勲弗躋禁涂曷重制府具官某
望嚴而氣裕志大而幾沈早從兵間蔚有義聞夔門討
賊其勇足以奪三軍之心岷郡扞城其謀足以制千里
之難中更蜀道之擾慨想宗臣之忠故拔之於積毀孤

危之餘而任之於敗軍訐潰之際二矛置傳每興用晚
之嗟專鉞出征終畀為真之命提虎旅於仙原之北蕩
敵人於花峽之西燕及鞏城亦歸王土肆頒春日之詔
俾亞夏卿之聯毋狃於既勝而驕士心毋恃其不來而
弛邊備更思長策以勵後圖可

洪咨夔授試中書舍人制

勅朕式觀人文灼見天運二典三謨之書既遠六誓七
誥之旨不傳漢制詔猶有爾雅之風唐宏詞直類俳優

之作皇宋受命五星聚奎天聖明道其氣渾熙寧元祐
其詞達一變西崑儷語之陋養成南渡諸賢之英今復
百年豈無名世具官某性從敏悟學以博聞剛大直方
不改山林之操溫純深潤能為廊廟之文頃司南臺晉
掌西掖悼大道之久鬱須嘉言之孔彰必為章如雲漢
而後足以見王者之心必出令如風雷而後足以鼓天
下之動庶幾治古復見斯今可

許應龍授試國子祭酒依舊兼權直舍人院制

勅具官某朕若稽成周祗式舊典師氏掌教國子則今
校官之長也內史掌書王命則今省官之貳也非得守
道秉文之士曷兼明倫演誥之司爾以閩山宿儒端靖
夷雅詞章縕白賁之飾學問得黃離之中草奏南宮論
說東序朕觀之審矣賢關係風化之張本詞掖乃紀綱
之命脈故使汝長之直之以究其成若會講禮肅如元
和祭酒封還職舉如熙寧舍人則予汝嘉可

鄭寅授左司郎中兼樞密副都丞旨制

勅具官某都司紀綱之地非習知臺閣故事不在茲選
朕率是道以官其人矧爾父僑在淳熙間出入二省凡
先朝之典憲往哲之言行燦然開陳如指諸掌汝實聞
而習之具在家法用是命汝董正左曹寅納密命亦猶
元祐用范純禮之意也徃其欽哉可

袁申儒授秘書省著作佐郎兼權考功郎官制
勅具官某漢有著作庭晉有著作省元康間始置佐著作
郎於是遷者非淹洽之才不以輕畀爾者儒之彥既博

既文讎書西崑涉筆東觀不朞月之間一命再命於汝亦華矣榮名止于一時直筆定於萬世往佐而長垂憲方來可

楊恢授兵部郎中制

勅具官某襄淮之形勝三峴山首也合肥腰也維揚承楚至尾之勢也而就其中言之則運掉腰勢者其任為尤重爾岷峨之英富于儒學雖冲澹如幽人潔白如處子而胸中所貯數萬甲兵足以鼓三軍之士而奪其氣

當北兵橫潰時以疲弊之孤城亢日滋之銳卒亦已奇矣襄州缺守命汝兼之西淮缺帥命汝傳之鎮于黃岡郎于武部蓋將以大用也爾其勿狃于和勿輕于戰思古人所以安邊保勝之策朕將有賴焉可

虞衡授戶部郎中許綸授刑部郎中制

勅具官某等郎曹古六卿之屬也而地官掌邦用秋官掌邦刑於國脈民命所係尤重爾衡將指廣東夙著風力爾綸持麾湖外亦有美最朕皆委之往正棘寺矣今

命衡佐民曹綸司刑屬其思禁民為非之義味哀矜勿喜之言俾邦財裕而讞獄平則予汝嘉可

游侶授宗正少卿制

勅具官某朕更化以來錄前言之曾忤權貴者聚之本朝以宏直士之氣爾以端重鯁介挺有父風當紹定辛卯間首上封章言火災事鋤姦厲貪讀者縮頸朕甚偉之出使既還遂長武監庀官未幾復貳宗籍朕固知卿非愛官職也直言國之華善人國之紀以此望汝尚其

懋哉可

監察御史王定授大理少卿制

勅具官某執憲南臺明刑北寺均于治天下之平也爾
年者行高智敏才瞻見聞之接諸老尚有典刑仕宦而
陞中都不畏強禦輟從宰士之要分典臺綱之清曾未
浹旬貳于卿讞朕之所以待汝亦厚矣爾其謹于庶言
庶獄稽用中德尚朕欽恤之意可

趙宗健授大理寺正制

勅具官某王制獄辭之成正聽之以告于大司寇則棘
寺有正其來尚矣爾天宗之秀明習條章三入為廷評
讞議惟克允出分半刺蔚有民庸茲賜汝環俾正寺事
其味周書審克之旨體漢吏持平之心監茲祥刑嗣有
明陟可

李韶呂延年並授太府寺丞制


勅具官某等列寺有丞職清事簡惟外府掌金穀之藏
司出納之權號為繁劇非才之良者不畀爾韶經學淹

該端廉而靜持麾有嘉最爾延年家學淵邃才美而文
轉藩有令聞今予詔還俾參釐寺事各忠乃職用宏茲
休可

陳壇授司農寺丞制

勅具官某唐置農寺丞六人掌寺事凡邦國委積諸州
橐秸皆閱而納之至國朝則省為二矣爾疏明而文廉
辨而直衣繡持斧為盜所憎既畀之以詞矣朕寤寐英
才每有一長者皆不遐棄故復命汝貳我寺事爾其敬

體此意不懈于位可



欽定四庫全書

集部

鶴林集卷八

詳校官庶吉士臣瑚圖禮

主事臣呂雲棟覆勘

膳錄監生臣南光臧

欽定四庫全書

鶴林集卷七

宋 吳泳 撰

外制

李性傳授權刑部侍郎兼侍講制

勅成周以太史掌刑書先漢以明經決疑獄蓋諳識憲章而後足以辨八法之情偽精通義理而後可以權諸罰之重輕必惟其人始稱是選具官某縝密而栗從容以和弓冶父子之良遽於六學壘麓弟兄之樂博極羣

書自紹定之登朝既端平之更化曲臺議禮亡所依阿
文陛記言數多論建肆侍石渠之講晉紬金匱之藏重
惟祥刑當酌古誼過輕則幾縱有罪過重則恐傷無辜
朕方體列聖之好生爾宜念先民之弼教期予于治時
乃之休可

徐僑授工部侍郎依舊兼國子祭酒兼侍講制
勅御事罔耆壽俊何以造周朝臣無骨鯁儒莫能興漢
朕永惟治統之缺每嘆人才之難今得耆英宜寘近列

具官某端信而誠慤直清而澹夷在野則布衣躬耕在
朝則端冕敬色學如可樂弗違顏子之仁道或未行不
易下惠之介剴切曲臺之議從容勸講之箴朕雖苑囿
服御無所增竒技淫巧無所作實憑宿望以重版曹職
簡事清無妨執藝以諫道尊德貴豈以飭材為工若曰
歸哉非所望也可

趙汝談授吏部侍郎直學士院兼侍講制

勅朕眡朝南面圖任東曹藹藹王多吉人既選于衆番

番我有良士則惟其能用盼綸言以望禁橐具官某文
物河間之彥風流江左之英擢從丘園寘彼朝寧辭章
古雅如升堂而聞正音氣貌沖夷如入國而望喬木迺
睠甘泉之地久虛法從之班非白首耆艾則不足以羽
儀周行非黃目清明則不足以鑒裁流品晉侍金華之
殿陞直玉堂之廬若卿能砥節奉公則朕亦清心省事
往祗厥叙益務起哉可

趙彥誠授權兵部侍郎魚說書制

勅朕更化以來親賢為務疇咨羣辟亡踰於老臣晉貳
五兵莫如我同姓爰渙出綸之命以華簪筆之班具官
某肅乂端莊澹夷溫雅其踐修則言行邃於壇宇其講
習則師友漸乎淵源白駒之在空谷者累年威鳳之翔
高岡者千仞自還朝著喜見儀刑皓白而偉衣冠惟恨
識卿之晚赫咺而如圭璧尚嘉迪朕之勤徑從蓬山過
陟荷橐覽安邊之議信儒者之知兵獻補闕之書尚宗
臣之報國益新厥業宏對茲休可

蔣重珍授守起居郎依舊兼說書袁甫授起居

舍人兼說書兼國史編修實錄檢討官制

勅具官某等國家擢用魁才必更記注蔡齊端雅之品
被遇於仁宗汝礪忠嘉之猷簡知於哲廟蓋名高則知
所自愛而地近則可以昌言今斯百年始得二士爾重
珍氣剛而識粹爾甫貌肅而心莊一則崇論讜言不避
權姦之勢一則仁聲義聞能厲貪懦之風鴻遠弋兮高
飛鳳覽輝兮翔集迨茲親政為朕偕來毋曰朝亡闕政

而莫弼予違毋曰聖有訓謨而弗書吾過左記言右記
事職所當思上克明下克忠邦其用乂往祇並命式邁
前修可

度正授試禮部侍郎兼侍讀制

勅朕臨御路朝顧瞻法從商耆成人之訓久迪予聞周
官宗伯之儀曾共乃事爰疇已試之效即峻為真之除
具官某篤厚而靖夷端莊而和裕衣深帶博蔚有大儒
之風詞贍理精真得講官之體篤守師說以沃朕心朕

嘗謂達於樂而不達於禮謂之偏達於禮而不達於樂
謂之素蕪古夔夷之任畀今鴻碩之賢爾宜導君臣之
和明上下之分使會盟可以却萊兵之暴而尊俎可以
折晉國之強毋棄爾成益祇厥叙可

李璽授蕪侍讀制

勅朕鼎新化原晉用儒雅謂萬事之統猶闕詢茲黃髮
則罔愆雖六經之道同歸學於古訓乃有獲式資鴻宿
之望俾侍燕閒之游具官某一代耆英四朝舊德徽言

善道源流尚接於乾淳全節高名夷險弗渝於泰定逮
諸老收聲之盡屹孤忠貫日之明補紉犀傾扶立鼇斷
每念爾身之在外孰如以道而事君精神可以折衝故
范鎮有趣還之詔筋力不以為禮故次膺加毋拜之文
矧聖政之一書實高皇之鉅典非得博古通今之士豈
當明師勸誦之筵天下達尊三爾尚式陳於猷訓九經
行者一予其弗替於箴言毋曰遄歸庶期共治可

鍾震授魚侍讀制

勅朕以眇躬學于古訓六經之義何上莫窺往聖之心
正月之吉始和首遴鴻儒之選庶裨實政毋作美觀具
官某以文雅擷先儒之英以淹通擅良史之譽簪筆扈
從亦既有年侍燕清閒屢聞入告爰即延英之席用升
進讀之華究觀前朝厥有成監范祖禹進帝學八卷色
和而氣平呂公著列時議十條義明而詞約益於誦說
之際傳以箴規之詞無俾二人專美元祐可

度正授魚侍讀制

勅易大傳謂聖人以此洗心吉凶與民同患大學謂天子至庶人壹是皆以修身為本修身治心之學通上下一理也而說者例曰人主之學與經生學士不同朕則未喻其官某行粹而古識醇而明當學禁方嚴羸糧撰屨不遠數千里從遊於武夷之下其趣尚蓋已高矣易有本義大學有或問析疑辨惑皆所習聞今自勸講陞之進讀其以得之心體之身者為朕悉之究之熟之復之庶幾交修克邁乃訓可

鄭性之授兼侍讀制

勅漢儒以明經擢諫議大夫唐舊典以諫議入乾符門
講讀諫諍經術之相須其來舊矣至國朝紹興以後始
有兼官之稱其官某凝遠而靖深端方而簡重壯年射
策曾馳漢庭鯁直之聲幼學從師盡得考亭精微之蘊
入居保氏之職晉侍邇英之游朕之不明不敏爾康正
之朕之弗念弗庸爾輔弼之先民有言朝無爭臣則不
知過國無達士則不聞善爾其交修朕將有望焉可

魏了翁授兼侍讀制

勅朕惟大學失傳微言輟響以愈之博聞明辨言修身
治國而遺致知之一章以光之真踐篤行能誠意正心
而誤格物之二字惟程顥弟兄次其簡編於始而朱熹
師友為之章句於終義方著明功在講貫具官某高明
盪乎宇宙正學源乎聖賢去國十年不改孤忠之潔白
謫居七載盡研六籍之精微深惟孔氏之遺書能究先
王之成法肆班法從勸讀經帷三在一篇之綱汝敷暢

之六毋十章之旨汝切磋之如行道之有程如耘田之有畔師在前講在後勿託空言化於口筆於書仍輸忠告庶乎聞大道之要可以開太平之基可

李鳴復授兼侍讀制

勅朕躬宅天命位在德元正月之吉始和布治方新於歷象六經之義何上尊王莫善於春秋武渙綸言俾升詔讀具官某氣剛方而沈涵之以厚量閎肆而密察之以文橫榻二年陞華八座當其論事肯言諸老之未言既

於談經能發先儒之未發爰即冬官之序晉陪春誦之
班本孟子為綱明義當師於安國以魯論為說知言宜
祖於九成庶殫厥心同底于治可

洪咨夔授魚侍讀制

勅朕惟正月之吉始和顧六經之義何上大易有聖人之
道四既撤臯比中庸言天下之德三盍陳龜鑑爰即延
英之席特陞勸讀之班具官某風猷浚明議論堅正詞
垣繳奏率皆彰善癉惡之辭經幄進陳莫非格王正事

之訓用正夕郎之拜俾承冬讀之書靜惟孔氏心法之傳莫若朱熹章句之備精粗辨析脈絡貫通三謂一篇之綱大無外小無內七詩末章之要費而隱顯而微宜演繹於微言以發揮於聖道庶幾沖菲允蹈中和可

游侶授魚侍講制

勅具官某學不專不足以明道誠不積不足以感人朕以卿秉心有常持論不詭故實之金華相與其學顧乃援程頤舊比以告且謂營營於職事紛紛其思慮則不

能以感動上心子之辭承旨而請以宗少執經似矣然
春秋大義數十炳如日星與旨微辭隱而難見此又願
之所究心也試為朕發明之可

徐清叟授魚侍講制

勅具官某昔之守道至高而秉法至嚴者莫如孟子然
諫不受而去則以為小丈夫之無知言未行而迎則以
為古君子之可就孟子豈干澤濡滯者哉愛君故也爾學
自孟氏好是正直據經援古不阿當世比出憲府而累

章欲退豈朕所以望卿者耶蓋嘗旁午遣使趣對延英
謂爾曾為講官故復以其官名則親近儒生之意可見
矣更宜研精為我說易可

李宗勉授兼侍講制

勅具官某朕御大昕之朝百官獻臣進見引對習容輝
如率頃刻而罷諫議大夫伏青蒲殿中執法奉白簡亦
不過一月一論事至若晝訪夕問從容獻納得以學術
輔佐人主而進之以唐虞治國之道惟金華講官始為

親且近也爾風猷峻整議論粹正更踐臺省素以直聞
然論諫救失於已往勸講閑邪於未形汝宜盡規朕所
深望可

趙汝談授兼侍講制

勅朕獲承聖緒涉道未深嘉與宿儒講論經理具官某
國之宗老年耆德明當開禧寶慶時出入風議挺有直
節翳然林木之間又十數載更化召歸鬚鬢華皓相見
雖晚精明不衰朕臨朝而嘆曰真講官也金華未久進

而陞之禮不云乎不講之以學猶種而弗耨漢儒亦謂學之不講則所識日亡益尊所聞以輔吾志可

李大同授兼侍講制

勅具官某昔我先王春誦詩以太師詔之秋學禮以執禮者詔之居禮樂之官而以禮樂之書勸講猶古意也爾游東萊之門撰武夷之屨學問苗脈所從來久每適英入侍皓首偉衣冠敷暢厥旨能使朕於言語諷道之間油然而悟金華再入不愆於儀朕嘗閱國史見祖禹

講王制祭祀以犧牡幣帛粢盛皆出於民力旨哉淵乎
豈但為元祐鑒哉其誦所聞無愧祖禹可

李宗勉授兼侍講制

勅具官某周以保氏掌諫惡必兼六藝之教漢諫議大
夫掌論議率用明經之儒蓋諫者所以輔拂於王躬而
講者所以薰陶於德性奮乎百世之下而蔚然有三代
兩漢之風者實難其人也爾以經生久居憲府內涵性
德如蘊藏金玉之淵時草奏書有鼓舞風霆之妙既擢

登於騎省復密侍於延英朕之德有不迪汝交脩之朕之政有不懋汝康翼之使隨事有剪桐之規而過為無折檻之迹則若汝予嘉可

趙彥誠授兼侍講制

勅朕以眇躬鬱於大道謂仲尼如代明之日月百世所師而論語乃六藝之喉衿一言難盡用晉登於講席俾溫繹於遺經具官某年耆而明行粹而古林泉七載不競聲華之途糟粕羣書自尋名教之樂朕以冰霜其操

金玉其音故隆之以紫橐之班而賁之以金華之寵扶
聖人之精意大義當如安國之佑我仁宗述夫子之善
行嘉言當若尹焞之輔予高廟度講論唐虞之地有雍
容洙泗之風可

徐清叟授兼侍講制

勅具官某朕聞臺綱扶天下之脈經術養君心之源隆
興乾道間以殿中執法共貳勸講固不乏人而學問名
節照映一時者蓋難其選爾高明而融直諒而益說書

金華殿曾諫五兵之貪珥筆古栢臺力扶六學之正朕
嘗語諸大夫曰真御史也然論奏特救失於既往講磨
能格非於未形況加之以知命之年而瑩之以窮理之
學進陽爻退陰位當如昭素之辨乾龍闢君子闔小人
必若馮元之推泰象庶幾易道咸在朕躬可

李鳴復授兼侍講制

勅具官某憲府兼經筵自國朝慶歷始淳熙而後以臺
端入侍講幄凡十有九人雖其間人品固有不齊然論

事主乎忠厚勸講貴乎明白祖宗所以命官之意則無以異也爾質直而義忠和而仁拔諸西蜀之珍畀以南臺之重曾亡期月又侍延英朕之眷汝亦厚矣春秋大義炳如日星一經始終爾所明習朕意若曰有國者而不知乎此則內華外夷之分不明有位者而不知乎此則尊君卑臣之禮弗辨或隱其義或微其文爾宜開陳以輔吾志可

度正授魚侍講制

勅在昔寧考有臣朱熹擢陞金華入侍經幄如程頤之
於元祐如尹焞之於紹興訓辭星日之爛垂師友淵源
之不墜具官某氣淳質茂精識博聞撰先生之屢以從
游險夷不變聞夫子之言而篤信細大弗遺矧躋從橐
之崇兼侍延英之邃六經之義何上雖各專官五常之
道為原莫先說易以發天地施生之蘊以明陰陽消長
之機庶單厥心同底于道可

李性傳授兼侍講制

勅具官某在昔泰陵有臣祖禹方侍延英之日首陳帝
學之書以憲道稽德為言以敬祖親賢為法經術講論
蔚為當時第一朕方崇嚮往籍敷求正人博古通今無
如性傳者是用升之講幄以備諮訪夫祖禹亦蜀人也
益楸乃猷惟前人是似可

張處授魚侍講制

勅具官某朕聞之書曰即我御事罔或者壽俊在厥服
予則罔克益簡在王庭者不可亡白首耆艾之士也矧

邇英之地哉爾儒之夙望有德有年聘從鄉閭長我庠
校士知所模楷矣是用晉登講筵以引以翼爾其據經
守正弼予以治則予亦一詁一言永惟成德之彥是信
其往欽哉可

洪咨夔授兼侍講制

勅朕聞六經統天地之心八卦通神明之德講乾龍於
便殿藝祖所以眷昭素之深說泰象於路門真宗所以
待馮元之寵雖曰潔靜精微之旨難加語言訓詁之繁

然非明經何以見易具官某行介如石節清於水直道
事君深得靜而方之體英詞緯國自成奇而法之文雖
眎草已極儒生之榮非橫經莫稱侍臣之選肆升勸講
俾對延英靖惟兩儀四象之分一君二民之辨進陽爻
而退陰位闢君子而闔小人粲然一書萃此衆理宜於
密勿雍容之頃時以憂虞失得為言庶幾吾身渾是易
道可

陳公益授兼侍講制

勅具官某朕獲承聖緒涉道未明迺正月始和博求儒雅以待勸講思所以開太平章緝熙也爾史于柱下經明行修每侍清閒敷暢厥旨俾予迪茲古訓乃有獲昔賈昌朝於景祐元年說書崇政四年侍講天章閣蓋以其誦說明白耳母俾昌朝專美景祐可

徐僑授兼侍講制

勅具官某古我先民尊尚論語挾聖人之精意大義安國所以被遇於仁宗繹孔子之善行嘉言尹焞所以受

知於高廟皆以是書之蘊數於勸講之筵具有前彝何
拘近比爾經粹行古年耆德明疏飯曲肱不改山林之
趣玄端章甫能為宗廟之容朕方舉賢而遠不仁脩已
以安百姓悼大道之湮鬱必耆儒之發揮如卿篤誠斯
可感悟魯論二十既陞六藝之科曲禮三千徐訂諸儒
之議庶講論唐虞之地如從容洙泗之間不徒空言同
底實治可

趙彥誠授試秘書監兼崇政殿說書制

勅具官某漢以宗儒典校冊府自大夫向平望侯毅始至國朝中興以來英才相望然領袖蓬山者猶未之見也爾行粹學古色爽氣和名歸周行明眉皓首朕已用之晚矣朕有美官號羣玉府非國壽雋曷使長之用是盼此除命爾其玩學如不及之語觀屬辭比事之訓以其所師傳者而表儀俊游則朕之望也可

徐清叟授軍器少監依舊魚司封兼崇政殿說

書制

勅具官某易象除戎器以戒不虞周官掌兵器以待邦
用天下無一事一物非儒者之所當為也爾今之聞人
古之遺直經術文雅風節議論蓋如兇之戈垂之竹矢
大弓越棘人共寶之輟從佐著往服少事蓋高一級也
雖然爾之諫佳兵者是矣而易禮明訓又焉可忘職思
其憂毋替朕命可

袁甫授起居郎兼權中書舍人依舊兼說書制
勅具官某若昔成周分命二史曰太史友則執冊書今

記言之任也曰內史友則掌王命今代言之官也苟非
全材曷共貳事爾世以儒名好是正直自擢第先朝暨
予更化幾二紀于茲扶善嫉邪無所回撓斯士林之冠
冕吾道之羽翼也擢陞左坳仍典右掖宣但取之以科
目哉記注之失有四汝其刊之修之王言之制有七汝
其究之復之使直筆足以垂萬世之法而英辭足以鼓
天下之動則予汝嘉可

徐清叟授朝奉郎黃朴授承議郎制

勅具官某等器車與河圖並傳弘璧與大訓俱顯富哉
天地之藏無書焉未足以為寶也矧阜陵之訓歟爾清
叟直道足以康時爾朴英風足以勵俗俱自冊府說書
金華隨事而言不徒陳折柳之誠指兵而諫亦屢進殺
羔之箴至論格言薰聒予聽者益不少矣徹章第賞茲
亦典彝益單厥心以答揚我祖之休烈可

蔡仲龍以魏惠憲王府講毛詩徹章授朝散郎
制

勅具官某朕祖宗朝諸宮院教授率用朴學醇儒充爾
愿慤而純端方而靜橫經宮邸議禮曲臺益敏於行而訥
於言者今藩房授道諷誦言語皆不易情性之正徽章
轉秩自宜旌汝若誦詩三百而無忠信誠慤之心以蒞
之雖多亦奚以為可

李煒特授朝請大夫周文虎特授朝散郎制

勅具官某等周以歲會攷四國漢立殿最課郡縣我孝
皇帝設臧否攷察郡守事實皆良法也朕捐四蜀之賦

供餉西師日告匱乏爾煒乃能拘覈郡計持其贏以裨
軍餉之缺爾文虎亦能檢催經賦時其入以應軍期之
會王人最書來上何惜一官不旌汝耶可

陳壩以莊文府講毛詩徹章授朝奉郎制

勅具官某漢毛萇以詩學為河間獻王博士後之為官
僚而說詩者蓋昉乎此爾以開爽之資負崛竒之氣其
性情詠歌言語興道蓋能使人有興起感動之意朕常
命汝授詩藩房矣徹章轉扶豈以內外為間耶勉圖淑

聲以稱嘉寵可

蔡仲龍授朝請郎袁商授朝奉郎制

勅具官某等漢左氏不立學官獨趙人貫公以所授傳
訓為河間獻王博士王邛之習讀左傳其來尚矣爾仲
龍靖厚鍾於氣稟爾商淳方得於家傳自為宮僚頗通
藝業比既以說詩受賞矣丘明親授經於聖人訓艷而
富義幽而章又得爾等為之發揮其裨益豈少哉徹章
轉官用酬稽古之力可

楊師謙以景獻府講春秋徹章授朝奉大夫制
勅具官某祖宗朝諸宮院教授率用朴學醇儒充益遴
其選也爾生長淮堧篤於履行其質朴矣究心經學粹
於修辭其文醇矣掌教宮邸誰曰不宜然春秋大義數
十炳然者易見微妙者難知今賴汝發揮既終篇矣則
何惜一官不以尊顯之耶爾其茂承之可

蔡仲龍授朝奉大夫袁商授朝請郎制

勅具官某等比歲以汝等誦詩卒章轉扶矣尋又以讀

左氏終篇益一秩矣今復絕韋編而第賞是三也昔漢桓榮經學成畢陳車馬印綬以誇示諸生曰今日所蒙稽古之力然則一歲三遷官豈不盛於榮哉毋謂官爵如探囊中物可

張文用授隨龍武經大天王倫授保義郎董有恭授武翼郎制

勅具官某等阜陵之書如天球弘璧歷代寶之以為大訓經筵進讀今已終篇恩光所需下逮而屬既優既渥矣

爾其敬謹于儀往祗厥事毋曰一官可以幸得也可

王邁授秘書省正字江萬里授秘書省正字制
勅具官某等蘭臺給筆札試頌自漢始逮我先朝猶試
詞賦治平末昉策以經史世務貴實材也爾邁奮身甲
科爾萬里擢秀璧水直氣不撓浩浩沛乎詞源古心自
鞭奇奇見于筆力既覽北門之對肆偕東觀之游朕之
所以命汝豈但訂魯魚亥豕之謬哉益恢儒猷以贊文
治可

家演授校書郎兼景獻府教授制

勅具官某昔歐陽修謂館閣取人之路有三進士高科其一也爾類省掄魁經明行飭議論挺挺早有直聲今則養益厚而器益閎矣肆繇是正陞之校讎非以序遷也金華絕出之業朕將可待焉可

刁起授宗學諭兼景獻府教授奉議郎戴杰授

武學諭制

勅具官某等古者師氏教人以事而諭諸德國家之學

校置諭猶古意也爾起年耆德劭爾杰才老意新俱有
聞于時朕謂起掌教外宗故命之訓迪宗庠謂杰常分
教天府故命之誘誨右序爾其茂明嘉學招諸生而教
之俾屬籍之英樂為善而不倨于貴鵬冠之士崇詩書
而不專于武則予汝嘉可

鄭起潛授太學博士趙發授國子正制

勅具官某等博士古秦官也國子置正錄與太學官分
掌教導昉於大觀爾起潛壁水之彥爾發鼎科之英士

之有迪與不迪爾身率之才之有良或不良爾糾正之
各觀爾成毋懈于位可

免解進士曾三異年七十該慶典授承務郎差

監潭州南嶽廟制

勅具官某人貴老者為其近於親也貴有德者為其近
於道也爾邦之壽雋有德有年該綜羣書沖靜恬退方
東朝慶壽七十同里之士乃裒其行誼以聞吾安得不
尊顯之官以京秩廩以嶽祠勉爾遜思服此休命可

齊仲甫授額外翰林醫官沈仲齡授額外翰林

醫官制

勅具官某人等禮曰執技以事上者不貳事不移官爾等固醫官也給事東朝歲月滋久近以祔于太室各進一階階可升也官不可移也往其懋承之可

鄒淮授挈壺正制

勅某挈壺之職詠於詩載於周官由來尚矣爾乞職清臺洞曉乾象且能會萃歷代災祥之占為一書用是遷

汝壺正其兵乃事使朝廷無東方未明之刺則惟汝嘉
可